

Dem Ehrwürdigen vnd Wolgelehr-

ten Francisco Schilling / des hohen Domstifts
zu Mentz Vicario / meinem günsti-
gen Herrn.

W Ehrwürdiger / wolgelehrter / günstiger Herr / Nach
dem die liebe Musica (wie auch andere freye Künste mehr) in die-
sen letzten zeiten durch Gottes gnad / vnd durch die fürtrefflichsten
vnd weitberhümptesten Componisten / nemlich Orlandum de
Lassus, vnd Iacobum Meilandum, auff's höchste kommen / vnd
allenthalben so gewaltig im schwang gehet / können wir Gott dem Allmechtigen
nicht gnugsam dafür dancken. Sintemal den ich mit gemeldtem Meilando / vn-
serm günstigen Herrn vnd Freundt / ein zeitlang in kundtschafft vnd beywohning
gewesen / hab auch ich etliche Teutsche weltliche Liedle auff vier vnd fünff stimmen /
darumb er denn offtmals von guten Herrn vnd Freunden / die auff solche weiß zu
Componirn / gebetten vñ ersucht worden / welche man auch hin vñ wider in ehrli-
chen Mahlzeiten vnd Bechen vielmals probirt vnd gesungen / colligirt vnd zusam-
men gelesen / derhalben ferner die zu publiciren vnd zu drucken / von vielen offt-
mals gleichsfalls angesprengt vnd gebetten worden. Dieweil denn solche annu-
tun

Na ij tung